



JUDICIAL SISTEM MONITORING PROGRAMME
PROGRAMA DE MONITORIZASAUN DO SISTEMA JIDISIAL

Komunikadu Imprensa

Periodu : 26 Janeiru 2012

Edisaun : 03 Janeiru 2012

**Julgamentu ba kazu violénsia bázeia ba jéneru adia tanbá parte balun la
marka prezensa iha tribunál**

Iha loron 27 fulan Janeiru 2012 Tribunál Distritál Baucau adia prosesu julgamentu ba kazu violénsia bázeia ba jéneru ne'ebé tribunál ajenda antes ona atu julga. Kazu hirak ne'e maka hanesan abuzu seksuál ba menór ida no violénsia doméstika ida.

Refere ba ajenda tribunál nian katak iha tuku 09.30 sei iha julgamentu ba kazu ho número prosesu: 92/ Crm.C/TDB/2011. Arguidu ba kazu ne'e ho inisial AXF ne'ebé diskonfia komete aktu krime abuzu seksuál ba menor hasoru lezada ho naran inisial MJF.

Bézeia ba informasaun ne'ebé JSMP hetan liu husi Ofisial de Justisa katak, kazu refere akontese iha Aldeia Uatu-ua, Suco Gariwai, Sub Distrito Baucau Villa, Distrito Baucau. Adiamentu ba kazu ne'e tanbá deit arguidu nia falta sein justifikasaun ba tribunál, nune'e prosesu julgamentu adia ba fali loron 27 de Feveireiru 2012.

Prosesu julgamentu ba kazu ne'e tuir ajende julgamentu sei prijide husi Juiz presidente Dra. Angela Belo Juiz internasionál no parte Ministériu Públiku Dra. Bemvinda do Rosario no arguidu sei hetan assisténsia legál husi Dr. Gregorio de Lima husi eskritoria Defensória Públiku.

Direitór JSMP Luis de Oliveira Sampaio haktuir katak, *JSMP continua apresia ho esforsu tribunál nian hodi hala'o prosesu julgamentu ba kazu ho karakter violénsia bázeia ba jéneru hirak ne'e, tanbá ne'e refléta obrigasaun estadu Timór Léste atu asegura justisa ba vítima sira no proteze feto sira husi violénsia iha futuru.*

Iha parte seluk tuir ajende tribunál nian lolos hala'o mos prosesu julgamentu ba kazu violénsia doméstika ida ho tipu ofensa ba integridade fízika simples. Kazu ne'e diskonfia involve arguidu ho inisial ES ne'ebé komete violénsia doméstika hasoru EC ne'ebé nu'udar arguidu nia kónjuje. Kazu ne'e rejista ho numeru prosesu; 113/Crm.S/2011/TDB, no akontese iha Suco Tutuala, Sub Distrito Tutuala, Distrito Lospalos.

Razaun adia prosesu julgamentu ba kazu ne'e tanbá lezada ne'ebé tribunál notifika ona tuir lolos nia maka marka prezensa antes iha tribunál, maibé bainhira parte ofisial de justisa halo

komfirmasaun liu husi telefone nia telefone la ativu ka fora de area kobertura. Tanbá ne'e tribunál informa deit ba arguidu katak prosesu ne'e sei hala'o fali iha loron 01 Marsu 2012 tuku 09.30. dader oras Timór Léste.

Observasaun JSMP katak, en jerál autór tribunál sira sempre prontu hodi halo julgamentu ba kazu sira ne'ebé tribunál ajenda ona, maibé ninia dezafiu maka dalaruma parte sira simu tiha notifikasaun maibé la kumpri hodi partisipa iha julgamentu.

Atu hetan informasaun kompleitu favor kontaktu direktamente,

Luis de Oliveira Sampaio

Diretór Ezekutivu JSMP

Diresaun email : luis@jsmp.minihub.org

Kontaktu: 3323883/7295795